

23.09.26 - 23.09.26

12:00

Անցանց

Գրանցումը փակ է



[Պահպանել Google օրացույցում](#)

ԵՊՀ

Ս.թ. սեպտեմբերի 23-ին Երևանի պետական համալսարանում տեղի կունենա «ԲանՈՒԳործ. ԵՊՀ Էքսպո-2026» միջոցառումը՝ մեկ վայրում համախմբելով ուսանողներին, շրջանավարտներին և գործատուներին՝ ստեղծելու համագործակցության, փորձի փոխանակման և տաղանդների բացահայտման նոր հնարավորություններ:

Միջոցառման ընթացքում նախատեսվում են նաև ոլորտային բանախոսություններ, քննարկումներ, ինտերակտիվ հարթակներ և այլ նախաձեռնություններ՝ միտված ուսանողների, համալսարանի և գործատուների միջև համագործակցության նոր ուղիների ստեղծմանը:

Ուսանող-համալսարան-գործատու համագործակցության Էքսպոն 2026 թվականին կանցկացվի նորովի:

Նորույթ 1-ին. «ԲանՈՒԳործ. ուսանողական նախաձեռնություններ-2026» ծրագրի շրջանակում կներկայացվեն ուսանողների մշակած նորարարական միջգիտակարգային նախագծերը: «ԲանՈՒԳործ. ԵՊՀ Էքսպոյի» մասնակից կազմակերպությունները հնարավորություն կունենան ծանոթանալու երիտասարդների գաղափարներին, ընտրելու իրենց հետաքրքրող նախագծերը և հանդես գալու որպես գործընկեր, հովանավոր կամ համամենթոր:

Նորույթ 2-րդ. «ԲանՈՒԳործ. ԵՊՀ Էքսպո-2026»-ի ժամանակ «Կարիերայի լաբորատորիա» հարթակի առաջին փուլում **«Կարիերայի առաջին քայլերը. գործատուների սպասելիքները» պանելային քննարկման** ընթացքում առաջատար ընկերությունների մարդկային ռեսուրսների կառավարման (HR) մասնագետները կտան հետևյալ հարցերի պատասխանները.

- Ինչի՞ն են առաջինը ուշադրություն դարձնում սկսնակ մասնագետ ընտրելիս,

- Որքանով են կարևոր փորձը, կրթությունը և ինքնակենսագրականը (CV),
- Ո՞ր հմտություններն են իրականում տարբերակում թեկնածուներին,
- Ի՞նչ կարող ես անել դեռ համալսարանում՝ աշխատաշուկայում առավել պատրաստված հայտնվելու համար:

«Կարիերայի լաբորատորիայի» հաջորդ փուլում կներկայացվեն.

- **HR խորհրդատվական անկյուններ**՝ անհատական աշխատանքի և հետադարձ կապի համար,
- **«2րուցարագ»**՝ գործատուների հետ կարճ ու նպատակային հանդիպումների համար:

Հասցե՝ ՀՀ, ք. Երևան, 0025, Ալեք Մանուկյան 1
 (+37460) 710000
 info@ysu.am